

Pse vaksinimi?

Personat te cilët nuk janë të vaksinuar kundër fruthit, janë në rrezik të zhvillimit dhe përhapjes së sëmundjes tek ato persona që nuk mund të vaksinohen për shkak të kushteve të caktuara shëndetësore ose nuk e kanë arritur moshën e vaksinimit. **SEPSE,**

VAKSIMI ËSHTË MËNYRA ME E MIRE PER TE MBROJTUR VETEN DHE TE TJERET!

Disa fakte:

- ▶ Ne periudhën 2000-2015, vaksinimi kundër fruthit në nivel global ka shkaktuar një rënie të vdekshmëris prej 79%!
- ▶ Në të njëjtën periudhë 15-vjeçare, vaksinimi kundër fruthit pengoi rreth 20,3 milionë vdekje, duke e bërë vaksinën kundër fruthit një nga masat më të mira shëndetësore publike!

The **MMR** vaccine



Siguroheni që fëmija juaj të jetë plotësisht i vaksinuar:

- ▶ Kontrolloni në kartën e vaksinimit / librezën shëndetësisë ose kërkoni ndihmë nga mjeku juaj i familjes!
- ▶ Nëse fëmija juaj nuk është i vaksinuar në kohë sipas moshës, **MENJEHER** e dergoni në Shërbimin e vaksinimit për tu vaksinuar!

MENYRA ME E MIRE PER TE MBROJTUR FEMIJEN TUAJ NGA FRUTHI ESHTË VAKSINIMI KUNDËR KESAJ SËMUNDJE, SEPSE VAKSINIMI ESHTË MASA ME E SUKSESHME PREVENTIVE!

Organizata Botërore e Shëndetësisë, në nivel global ka vendosur objektivin për eliminimin e fruthit deri në vitin 2020!!!

Fruthi dhe si të mbrohemi



Instituti i Shëndetit Publik



INFORMATË PËR POPULLATËN

Cfarë është Fruthi?

Fruthi (morbili) është një nga sëmundjet më ngjitëse që shkaktohet nga një virus (morbili virus).

Cilat janë simptomet?


Simptomet me të cilat karakterizohet kjo sëmundje:

- temperaturë mbi 39°C,
- rraskapitje,
- dhimbje koke,
- dhimbje dhe kruarje në fyt
- kollë e thatë, rrjedhje hundësh,
- skuqje, sy te ënjtur dhe te përlotur dhe
- një iritim karakteristik i lëkurës dhe mukozave. Iritimi fillon nga koka (pas veshëve, pjesa me flokë, fytyra, qafa), e që përhapet poshtë nëpër të gjithë trupin, në pëllëmbët e duarve dhe shputave (si ujë nga dushi). Enantema në mukozën e zgavrës së gojës dhe qiellzës së butë duket sikurse kokriza të shpërndara te grurit.




Si transmetohet sëmundja?

Sëmundja transmetohet nëpërmjet ajrit, me pikat e vogla të sekrecionit nga rrugët e frymëmarrjes, e cilat gjatë kollitjes, teshtitjes apo gjatë të folurit me zë të lartë i hedhin nga goja njerëzit e sëmurë apo të infektuar.



Burimi i sëmundjes është i sëmururi, 4 ditë para sëmundjes dhe 4 pas paraqitjes së skuqjes. Virusi transmetohet shumë lehtë nga personi në person, më shumë se 90% e atyre që kanë qenë në kontakt me pacientin do të sëmuren nëse nuk janë vaksinuar ose nuk janë sëmurë me sëmundjen.



Virusi mund të mbijetojë deri më 2 orë në ambient të hapur (sipërfaqe, gjësende e tj.) që mundëson përhapjen indirekte të tij (mjete të sapo kontaminuara, lodra të fëmijëve, sipërfaqe pune).

Komplikimet e mundëshme:

Komplikimet më të shpeshta të kësaj sëmundjeje janë: pezmatimi i veshit të mesëm, pezmatimi i rrugëve të frymëmarrjes dhe mushkërive, shfaqja e verbërisë, inflamacioni i trurit dhe i cipave të trurit, por mund të ketë si rezultat edhe vdekjen e pasojë e komplikimeve të rënda. Sëmundja më shpeshë është e komplikuar në fëmijët 5-vjeç ose në të rriturit mbi 20 vjeç.

► Në vitin 2015, nga komplikimet e fruthit në mbarë botën kanë vdekur 134.200 njerëz – rreth 367 vdekje për çdo ditë ose 15 vdekje për çdo orë!

► Vlerësimi i OBSH-së në vitin 1980, përpara përhapjes së aplikimit të vaksinimit kundër fruthit, tregon se nga kjo sëmundje kanë vdekur rreth 2,6 milionë fëmijë në mbarë botën!

Si trajtohen të sëmurët?

Nuk ka terapi specifike për fruthin. Trajtimi është simptomatik dhe në rast të ndërlikimeve kryhen metoda të ndryshme të trajtimit.

Pas infeksionit nga kjo sëmundje mbetet imuniteti i përjetshëm.